

VENDIM
Nr. 240, datë 17.4.2024

**PËR DHËNIEN E MIRATIMIT PËR LIDHJEN E KONTRATËS SË QIRASË,
ME TARIFËN 1 EURO/KONTRATA, NDËRMJET MINISTRISË SË EKONOMISË,
KULTURËS DHE INOVACIONIT, SI QIRADHËNËS, DHE FONDACIONIT
“FUNDJAVË NDRYSHE”, SI QIRAMARRËS, PËR PASURINË SHTETËRORE NR.
969/15, ZONA KADASTRALE 1263, ME EMËRTIM PRONA NR. 98 “GRUP-DEPO,
ISH-REPARTI USHTARAK NR. 5011”, ME VENDNDODHJE NË BRAR, TIRANË,
ME SIPËRFAQE TË PËRGJITHSHME 16 214 m², NË PËRGJEGJËSI
ADMINISTRIMI TË MINISTRISË SË MBROJTJES**

Në mbështetje të nenit 100 të Kushtetutës; të nenit 5, të aktit normativ nr. 4, datë 9.7.2008, të Këshillit të Ministrave, “Për privatizimin dhe dhënie në përdorim shoqërive tregtare dhe institucioneve shtetërore të ndërmarrjeve apo objekteve të veçanta, mjeteve kryesore dhe mjeteve të xhiros së këtyre ndërmarrjeve”, miratuar me ligjin nr. 9967, datë 24.7.2008, të ndryshuar, dhe në vijim të pikës 3/a, të kreut V, të vendimit nr. 54, datë 5.2.2014, të Këshillit të Ministrave, “Për përcaktimin e kriterëve, të procedurës e të mënyrës së dhënies me qira, enfiteozë apo kontrata të tjera të pasurisë shtetërore”, të ndryshuar, me propozimin e ministrit të Ekonomisë, Kulturës dhe Inovacionit, Këshilli i Ministrave

VENDOSI:

1. Dhënie e miratimit për lidhjen e kontratës së qirasë, me ofertë të pakërkuar, me tarifën 1 euro/kontrata, ndërmjet Ministrisë së Ekonomisë, Kulturës dhe Inovacionit, si qiradhënëse, dhe fondacionit “Fundjavë Ndryshe”, si qiramarrës, për pasurinë shtetërore nr. 969/15, zona kadastrale 1263, me emërtimin “Prona nr. 98 ‘Grup-depo, ish-reparti ushtarak nr. 5011’”, me sipërfaqe të përgjithshme 16 214 (gjashtëmbëdhjetë mijë e dyqind e katërmëdhjetë) m², nga ku sipërfaqe ndërtimore 3 138.34 (tre mijë e njëqind e tridhjetë e tetë pikë tridhjetë e katër) m², me vendndodhje në Brar, Tiranë, në përgjegjësi administrimi të Ministrisë së Mbrojtjes, me afat 20 (njëzet) vjet, sipas genplanit dhe tekstit të kontratës, që i bashkëlidhen këtij vendimi.

2. Ngarkohen Ministria e Ekonomisë, Kulturës dhe Inovacionit, Ministria e Mbrojtjes dhe Agjencia Shtetërore e Kadastrës për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama

REPUBLIKA E SHQIPËRISË
ZYRA E NOTERISË TIRANË

Nr. _____ rep.

Nr. _____ kol.

KONTRATË QIRAJE

Në Tiranë, sot më _____, të muajit _____, të vitit _____, (_____), u paraqitën para meje, noterit _____, palët kontraktuese, si më poshtë vijon:

Ministria e Ekonomisë, Kulturës dhe Inovacionit, përfaqësuar me autorizim të titullarit të institucionit “qiradhënëse”, nr. _____ nga z./znj. _____, me detyrë _____, në Ministrinë e Ekonomisë, Kulturës dhe Inovacionit, i datëlindjes _____. _____. _____,

banues në _____, me shtetësi shqiptare, i/e pajisur me letër njoftimin nr. _____, që më poshtë do të quhet “QIRADHËNËSI”;

dhe

Subjekti “Fondacioni ‘Fundjavë Ndryshe’”, me seli qendrore në Tiranë, me adresë: _____, regjistruar si person juridik _____ dhe pajisur me nr. NUIS: L61315453U, përfaqësuar nga z./znj. _____, i biri/bija i/e _____, i datëlindjes _____._____, lindur në _____ dhe banues në _____, me shtetësi _____, identifikuar me letër njoftimin personal me nr. _____, që më poshtë do të quhet “QIRAMARRËSI”.

Institucioni “qiradhënës”, me propozimin nr. _____, datë _____._____._____, të _____, mbështetur në vendimin nr. 54, datë 5.2.2014, të Këshillit të Ministrave, “Për përcaktimin e kriterëve, të procedurës dhe të mënyrës së dhënies me qira, enfiteozë apo kontrata të tjera të pasurive shtetërore”, të ndryshuar, në zbatim të vendimit nr. _____, datë _____._____._____ të Këshillit të Ministrave, “Për dhënien e miratimit për lidhjen e kontratës së qirasë me tarifën 1 euro/kontrata, me ofertë të pakërkuar”, ndërmjet Ministrisë së Ekonomisë, Kulturës dhe Inovacionit, si qiradhënës, dhe fondacionit “Fundjavë Ndryshe”, si qiramarrës, për pasurinë nr. 969/15, zona kadastrale 1263, me emërtimin prona nr. 98, “Grup-depo, ish-reparti ushtarak nr. 5011”, me sipërfaqe të përgjithshme 16 214 m², me vendndodhje në Brar, Tiranë, në përgjegjësi administrimi të Ministrisë së Mbrojtjes, dhe bazuar në nenet 801–825 të Kodit Civil, si dhe kërkesës së fondacionit “Fundjavë Ndryshe”, së bashku me “qiramarrësin”, palët bien dakord të hartojnë këtë kontratë, me kushtet, si më poshtë:

Neni 1

Objekti i kontratës

Objekti i kësaj kontrate është dhënia me qira e pasurisë shtetërore nr. 969/15, zona kadastrale 1263, me emërtimin “Prona nr. 98, ‘Grup-depo, ish-reparti ushtarak nr. 5011’”, me vendndodhje në Brar, Tiranë, në përgjegjësi administrimi të Ministrisë së Mbrojtjes, me sipërfaqe të përgjithshme 16 214 (gjashtëmbëdhjetë mijë e dyqind e katërmbëdhjetë) m², nga ku sipërfaqe ndërtimore 3 138.34 (tre mijë e njëqind e tridhjetë e tetë pikë tridhjetë e katër) m², sipas genplanit dhe dokumentit të Agjencisë Shtetërore të Kadastrës, bashkëlidhur kontratës.

Neni 2

Qëllimi i përdorimit

Qëllimi i kësaj kontrate është dhënia në gëzim të përkohshëm i objektit të përcaktuar në nenin 1, për zgjerimin dhe rikonstruksionin e Qendrës së Solidaritetit, në ndihmë të shtresave në nevojë, që ndodhet në Brar, pranë fillimit të Rrugës së Arbrit, Tiranë.

Neni 3

Kohëzgjatja

Kjo kontratë është e vlefshme për 20 (njëzet) vjet dhe hyn në fuqi me nënshkrimin e saj nga palët.

Neni 4

Të drejtat dhe detyrimet e qiradhënësit

4.1 “Qiradhënësi”, nëpërmjet Komandës Mbështetëse, në varësi të Ministrisë së Mbrojtjes, si njësia që ka në administrim pasurinë shtetërore, dorëzon, brenda një muaji nga hyrja në fuqi e kësaj kontrate, pronën e përcaktuar në nenin 1 të saj, të lirë për t’u shfrytëzuar për qëllimin e kësaj kontrate. Në momentin e dorëzimit do të hartohet procesverballi i dorëzimit të objektit që jepet me qira, i shoqëruar me foto, që është pjesë përbërëse e kontratës.

4.2 “Qiradhënësi” ka të drejtë të kontrollojë në çdo kohë për respektimin e kushteve të kësaj kontrate nga ana e “qiramarrësit”.

4.3 “Qiradhënësi” ka të drejtë që, në çdo kohë gjatë kohëzgjatjes së kontratës, nëpërmjet njësisë monitoruese të kontratës së qirasë, Komandës Mbështetëse, të monitorojë kontratën për verifikimin e zbatimit të kushteve të përcaktuara në të.

4.4 “Qiradhënësi” është i detyruar të garantojë “qiramarrësin” për gëzimin e qetë të sendit, objekt të kësaj kontrate ndaj të tretëve, të cilët mund të ngrenë pretendime për të drejtën e tyre mbi këtë pronë.

4.5 “Qiradhënësi” ka të drejtë të kërkojë zgjidhjen e kontratës kur qiramarrësi shkel detyrimet e marra përsipër, duke njoftuar këtë të fundit 30 ditë përpara me shkrim.

4.6 “Qiradhënësi” nuk është i detyruar të garantojë qiramarrësin nga shqetësimet e të tretëve që nuk pretendojnë të kenë të drejta mbi pronën.

Neni 5

Të drejtat dhe detyrimet e qiramarrësit

5.1 “Qiramarrësi” ka të drejtë që, sipas legjislacionit në fuqi, të përdorë e të gëzojë pronën e marrë me qira dhe përmirësimet e bëra në të për të gjithë kohën që është në fuqi kjo kontratë.

5.2 “Qiramarrësi” ka për detyrë që të përdorë sendin, objekt të kësaj kontrate, për qëllimin e parashikuar në nenin 2, në përputhje me detyrimet ligjore, që rrjedhin nga legjislacioni shqiptar.

5.3 “Qiramarrësi” detyrohet që, në pasurinë e marrë me qira, të realizojë aktivitetin sipas nenit 2, të kësaj kontrate, duke investuar sipas fazave dhe vlerave të shprehura në planbiznesin e paraqitur në ministrinë përgjegjëse për ekonominë.

5.4 “Qiramarrësi” detyrohet të shfrytëzojë dhe të mirëmbajë objektin e kontratës së qirasë.

5.5 “Qiramarrësi” detyrohet të përballojë me shpenzimet e tij detyrimet që lidhen me dëmet e shkaktuara eventualisht palëve të treta.

5.6 “Qiramarrësi” detyrohet të sigurojë objektin e kontratës së qirasë, nëpërmjet policës së sigurimit.

5.7 “Qiramarrësi”, në funksion të zhvillimit të aktivitetit, në territorin objekt i kësaj kontrate, do të investojë për zgjerimin dhe rikonstruksionin e Qendrës së Solidaritetit, në ndihmë të shtresave në nevojë. Sipas planbiznesit të paraqitur në ministrinë përgjegjëse për ekonominë, ky investim i “qiramarrësit” do të realizohet, si vijon:

Ky projekt parashikohet të ndërtohet në dy faza:

Faza e parë: Subjekti ka parashikuar të kryejë investime për ndërtimin e magazinës për administrimin e ndihmave materiale, për të qenë sa më pranë personave dhe familjeve në nevojë, si edhe për të përmbushur funksionin social të fondacionit. Në funksion të këtij objekti shërbimi social do të ndërtohet e gjithë infrastruktura ndihmëse, pra rrugët e brendshme, parkimi, muri rrethues. Do të investohet gjithashtu për forcimin e argjinaturës lumore, si dhe rrethimin për sigurimin e pronës. Kjo fazë do të zgjasë 36 muaj, duke filluar nga momenti i marrjes në dorëzim të objekteve dhe daljes së lejeve përkatëse që mundësojnë fillimin e punimeve. Vlera e investimit parashikohet të shkojë në 98 839 935 lekë.

Faza e dytë: parashikohet të përfundojë ndërtimi i zonës rekreative për fëmijë, e cila do të zgjasë deri në përfundim të afatit 5-vjeçar nga data e firmosjes së kontratës me vlerë investimi 13 328 219 lekë.

Investimi parashikohet të përfundojë brenda 60 muajve nga data e lidhjes së kontratës së qirasë dhe parashikohet, që vlera totale e investimeve do të jetë në vlerën 112 168 154 (njëqind e dymbëdhjetë milionë e njëqind e gjashtëdhjetë e tetë mijë e njëqind e pesëdhjetë e katër) lekë.

Në total, në të dy fazat do të investohet **112 168 154** (njëqind e dymbëdhjetë milionë e njëqind e gjashtëdhjetë e tetë mijë e njëqind e pesëdhjetë e katër) lekë.

5.8 “Qiramarrësi”, sipas parashikimit për punësimin të shprehur në planbiznesin e paraqitur detyrohet që, në objektin e marrë me qira, **niveli i punësimit** do të jetë i ndarë në tri faza:

- **Në fazën e parë**, që do të zgjasë 36 (**tridhjetë e gjashtë**) muaj, duke filluar nga momenti i marrjes së lejeve përkatëse nga institucionet shtetërore, do të punësohen 31 punonjës.

- **Në fazën e dytë**, që do të zgjasë 24 (**njëzet e katër muaj**) muaj, do të punësohet edhe 19 punonjës të tjerë.

Në total, do të punësohen 50 (pesëdhjetë) punonjës, në përfundim të 5 vjetëve nga fillimi i punimeve pas marrjes së lejeve përkatëse.

Pavarësisht parashikimeve të realizimit si më sipër, monitorimi dhe përlllogaritjet e afateve të realizimeve të punësimit të parashikuar transferohen në kohë gjithmonë pas datës së lejeve përkatëse të nevojshme për punime, ngritjen e aktivitetit dhe vënien në jetë të tij. “Qiramarrësi” detyrohet të zbatojë legjislacionin në fuqi “Për përcaktimin e pagës minimale në shkallë vendi”.

5.9 “Qiramarrësi”, në funksion të qëllimit, sipas nenit 2, dhe zhvillimit të aktivitetit, në territorin objekt i kësaj kontrate, në realizimin e treguesve të marrë përsipër, sipas neneve 5.7 dhe 5.8, detyrohet që të pajiset me leje ndërtimi dhe vendimet përkatëse mjedisore nga organet kompetente.

5.10 “Qiramarrësi” detyrohet që, para përfundimit të vitit të pestë të përdorimit të objektit me qira, sipas kësaj kontrate, të paraqesë para qiradhënësit shtesën e planbiznesit për treguesit e periudhës në vijim, brenda objektit të kontratës dhe pa ulur treguesit e shprehur në pikat 5.7 dhe 5.8 të kësaj kontrate.

5.11 “Qiramarrësi” detyrohet të paraqesë të “qiradhënësi”, në fillim të çdo viti, relacion me shkrim lidhur me vlerat e investimeve, të paraqitura në pasqyrat financiare vjetore të subjektit, shoqëruar me relacionin përkatës të hartuar nga eksperti kontabël i miratuar, vërtetuar me çdo dokumentacion të vlefshëm, si dhe vërtetimin nga institucionet shtetërore përkatëse për numrin e të punësuarve në objektin e marrë me qira.

5.12 “Qiramarrësi” detyrohet që në momentin e përfundimit të kësaj kontrate të dorëzojë pronën të padëmtuar.

5.13. “Qiramarrësi”, në përfundim të kësaj kontrate, ka të drejtë të heqë përmirësimet e ndashme nga prona, por pa e dëmtuar atë. “Qiradhënësi” nuk bën kompensimin financiar të investimeve në pasuri të paluajtshme të kryera nga “qiramarrësi”.

5.14 Në ngarkim të “qiramarrësit” janë të gjitha tatimet dhe detyrimet që rëndojnë mbi pronën e dhënë me qira.

5.15 “Qiramarrësit” nuk i lejohet që pronën e dhënë me qira ta japë me nënqira ose t’ia kalojë kontratën një tjetri.

5.16 “Qiramarrësi”, në funksion të qëllimit dhe zhvillimit të aktivitetit, sipas nenit 2, të kësaj kontrate, në territorin objekt i kësaj kontrate, në realizimin e treguesve të marrë përsipër, sipas neneve 5.7 dhe 5.8, detyrohet që të pajiset me lejet ose autorizimet përkatëse nga organet kompetente të parashikuara nga legjislacioni shqiptar.

5.17 “Qiramarrësi” në asnjë rast nuk mund ta rëndojë me barrë pronën objekt kontrate.

Neni 6

Pagesa e qirasë

6.1 “Qiramarrësi” detyrohet t’i paguajë “qiradhënësit” detyrimin e kontratës, në vlerën 1 (një) euro. Pagesa simbolike bëhet para se të firmoset kontrata.

6.2 Para nënshkrimit të kontratës, “qiramarrësi” ka paguar garancinë e kontratës, në vlerën 2 243 364 (dy milionë e dyqind e dyzet e tre mijë e treqind e gjashtëdhjetë e katër) lekë, sipas faturës së lëshuar nga “qiradhënësi”, e cila qëndron e ngurtësuar në llogarinë përkatëse në buxhetin e shtetit, deri në përfundim të investimit të shprehur në nenin 5.7, të kësaj kontrate. Garancia kthehet pas përfundimit të investimit.

Neni 7

Penalitetet

7.1 Në rastin kur “qiramarrësi”, në përfundim të çdo faze, sipas përcaktimeve në pikën 5.7, të kësaj kontrate, nuk realizon vlerën e investimit, do të penalizohet me gjobë, në masën 10 për qind të vlerës së investimit të përcaktuar. Nëse, pas 6 muajve, investimi vazhdon të mos realizohet, “qiradhënësi” zgjidh kontratën dhe gjobit “qiramarrësin” me vlerën e garancisë së ngurtësuar në momentin e lidhjes së kësaj marrëveshje kontraktore.

7.2 Në rastin kur, “qiramarrësi”, në përfundim të çdo faze, nuk ka realizuar nivelin e punësimit të përcaktuar në pikën 5.8, të kësaj kontrate, penalizohet me gjobë, në masën 50 000 (pesëdhjetë mijë) lekë për çdo vend pune mesatar vjetor të pahapur.

Neni 8

Zgjidhja e kontratës

8.1 Kontrata zgjidhet me mbarimin e afatit të përcaktuar në pikën 3, të kësaj kontrate.

8.2 Kontrata mund të zgjidhet para afatit:

- a) në marrëveshje midis palëve;
- b) kur prona humbet tërësisht ose dëmtohet për shkak të një force madhore;
- c) kur “qiramarrësi” shkel detyrimet e marra përsipër në nenet 5 dhe 6, të kësaj kontrate;
- ç) kur “qiramarrësi” shkel detyrimet e marra përsipër në nenin 5.7, të kësaj kontrate;
- d) kur prona nevojitet për interes publik.

8.3 Kontrata pushon automatikisht së vepruari 30 ditë pas njoftimit me shkrim të “qiradhënësit” për zgjidhjen e kontratës para afatit, sipas pikës 8.2 të saj dhe nëse “qiramarrësi” nuk ka reaguar me shkrim.

Neni 9

Përgjegjësitë e palëve

9.1 Palët përgjigjen për mosrespektimin e kushteve të kësaj kontrate.

9.2 Në zbatim të akteve ligjore dhe nënligjore në fuqi, në përfundim të investimit, pas relacionit të paraqitur nga “qiramarrësi”, sipas pikave 5.7 dhe 5.8, të kësaj kontrate, palët janë të detyruara të bëjnë akte rakordimi të përbashkëta ndërmjet administratorit të pasurisë, Komandës Mbështetëse, në varësi të Ministrisë së Mbrojtjes, për nivelin e investimeve dhe punësimit të realizuar, sipas vlerave të paraqitura në pasqyrat financiare të subjektit, shoqëruar me relacionin përkatës të hartuar nga eksperti kontabël i miratuar.

9.3 Palët, “qiramarrësi” dhe “institucioni administrues dhe monitorues i kontratës së qirasë”, Komanda Mbështetëse, në varësi të Ministrisë së Mbrojtjes, janë të detyruar që çdo vit të bëjnë akte rakordimi të përbashkëta për realizimin e kushteve të kontratës, në nivelin e punësimit, në nivelin e investimit dhe shlyerjen e penaliteteve ose gjobave (në rastet kur ka të tilla) të vendosura, sipas neneve të kësaj kontrate.

9.4 Me “forcë madhore” do të kuptohet një ngjarje që është jashtë kontrollit të palëve, si: tërmetet, përmytjet, lufta. Në këto raste, palët janë të detyruara të njoftojnë njëra-tjetrën me shkrim. Koha e parashikuar për plotësimin e detyrimeve do të zgjatet për aq kohë sa do të vazhdojnë këto rrethana.

9.5 “Qiramarrësi” përjashtohet nga detyrimet për kohën e vazhdimit të forcës madhore dhe moskryerjes së aktivitetit për këtë shkak. Kjo periudhë do të përcaktohet me marrëveshje midis palëve.

Neni 10

Dispozita të fundit

10.1 Për gjithçka që nuk është shprehur posaçërisht në këtë kontratë, palët do t'u referohen dispozitave të Kodit Civil në fuqi.

10.2 Pjesë të kësaj kontrate janë planbiznesi i paraqitur në ministrinë përgjegjëse për ekonominë dhe procesverbali i marrjes në dorëzim të objektit, sipas kontratës së qirasë.

10.3 Mosmarrëveshjet që mund të lindin mes palëve gjatë zbatimit të kësaj kontrate do të zgjidhen me mirëkuptim dhe në rast se kjo është e pamundur, palët kanë të drejtë t'i drejtohen Gjykatës së Shkallës së Parë të Juridiksionit të Përgjithshëm Tiranë.

10.4 Në çdo rast të kalimit të mosmarrëveshjeve, të lindura mes palëve në juridiksion gjyqësor, autorizohet njësia administruese dhe monitoruese e kontratës për ndjekjen e procedurës gjyqësore.

10.5 Kjo kontratë qiraje është e vlefshme deri në çastin, që prona publike e dhënë me qira privatizohet sipas akteve ligjore në fuqi.

Neni 11

Brenda një muaji nga nënshkrimi i saj, kontrata duhet të regjistrohet në Agjencinë Shtetërore të Kadastrës.

Shpenzimet noteriale të kësaj kontrate i ngarkohen “qiramarrësit”.

Kjo kontratë është formuluar në 7 (shtatë) kopje origjinale. Pasi iu lexua palëve, u kuptua, u pranua prej tyre, si dhe u nënshkrua para meje, me vullnetin e tyre të plotë e të lirë. Ndërsa, unë, noter _____, në bazë të nenit 801, e në vijim, të Kodit Civil, e vërtetoj atë si të rregullt.

QIRADHËNËSI

**Ministria e Ekonomisë, Kulturës dhe
Inovacionit**

QIRAMARRËSI

Fondacioni “Fundjavë Ndryshe”

PRONARI SHTET: MM, Komanda Mbështetëse

DATË 24 /04/2023 QËLLIMI Dhënie me qira

VENDNDODHJA

Bashkia Tiranë ZVASHK Tiranë Nr.Pasurisë 969/15 Z.K 1263 Indeksi i Hartës K-34-88-(220-D)


TE DHËNAT E PASURISË

Lloi i pasurisë _____ Sip e pasurisë **16214m²** Sip e gjurmës së ndërtimit **3138.34m²** Nr. kateve 1 Nr. pemeve _____

Nord = 4583418.43
East = 488735.66

KORNIZA REFERUESE GJEODEZIKE SHQIPTARE (KRGJSH)

Nord = 4583418.43
East = 488675.57



Shpjeguese

Sip. e përgj. e pronës = **16 214.00 m²**

Sip. e përgj. nën objekte = **3 138.34 m²**

Kufiri i pronës

Objektet e Pronës nr. 98

- Sip. e objektit nr.2 = 288.00 m² (rrënojë)
- Sip. e objektit nr.3 = 95.70 m²
- Sip. e objektit nr.4 = 34.40 m²
- Sip. e objektit nr.5 = 192.00 m²
- Sip. e objektit nr.6 = 193.60 m²
- Sip. e objektit nr.8 = 192.00 m²
- Sip. e objektit nr.9 = 6.25 m²
- Sip. e objektit nr.10 = 296.32 m² (rrënojë)
- Sip. e objektit nr.12 = 390.60 m²
- Sip. e objektit nr.13 = 390.60 m²
- Sip. e objektit nr.14 = 199.65 m²
- Sip. e objektit nr.15 = 247.64 m²
- Sip. e objektit nr.16 = 198.44 m²
- Sip. e objektit nr.19 = 413.14 m² (rrënojë)

Nord = 4583067.36
East = 488235.66

SH 1: 2500

METRA

Nord = 4583067.36
East = 488675.57

NR	ORIENTIMI	PERDORIMI	TUPI	KUFIRIT	KUFITARI	ID/NIPT
1	Vari					K51726024H
2	Lindje					
3	Jug					
4	Perëndim					

REALIZOI PËR IGJIU
Specialist Ramiz Haxhiu

KONFIRMOI PËR IGJIU
DREJTORI March. Teuta **KANXHERI**

REALIZOI PËR ASHK
Specialisti _____
DVASHK _____
Nënshkrimi _____
KONFIRMOI
Përgjegjësi/Drejtori _____
Nënshkrimi/ Vula _____

TEKNOLOGJIA E MATJEVE Z-Zyrë; O-Ortofoto; Azhornimit të kryer në terren.

PËRCAKTIMI I KUFIRIT: Sipas Hartës Kadastrale

Shënime : Ky planrilevim u hartua në zbatim të shkresës së Komandës Mbështetëse nr.2391/2, datë 13.04.2023 bazuar dokumentacionin hartografik arkivor, ortofoton e vitit 2015 marrë në geoportalin e ASIG-ut. Kufiri i pronës është hedhur sipas HTR b/lidhur shkresës.

PRONARI: SHTET MM (Komanda Mbështetëse)
MIRËTOHET

KOMANDANTI I KOMANDE S MBËSHTETËSE
Gjeneral Brigadë Ferdinand **DIMO**

